



A visa Puipui Faka`lei (Protection Visa) mō tino fakaa`lofa fua kolā e ma`nako ki ei

E pelā mo fenua e uke, e isi ne visa i Ausetalia ne fakatoka ke puipui faka`lei a tino fakaa`lofa kolā e ma`nako ki ei.

A te visa Puipui Faka`lei (subclass 866), e talia ei se tino, telā ko fakamataku tonu tena tulaga i faifaiga fakalogo`mae io me ko fakasauaga i tena fenua tonu, ke nofo tumau i Ausetalia. A te visa Puipui Faka`lei e se mō tino kolā e fia `nofo leva fua i Ausetalia ke ga`lue.

E se mafai o fakaaoga ne koe te visa Puipui Faka`lei māfai e se nofo koe i Ausetalia. E `tau o isi sou visa telā koi aoga kae talia faka`lei koe ne te ofisa o te immigration i te taimi e oko mai ei koe.

E uke a `fuliga ko oti ne fai ke mafai o vave te mauaga o te visa Puipui Faka`lei tenei. A te ukega o visa fou toeitiiti ko sili atu i te faka-8 taimi te vave māfai e fakatusa ki tausaga fakamuli nei. Ko tena uiga, ko vave atu nei te mauaga o visa Puipui Faka`lei mō tino kolā e manakogina malosi ne latou, penā foki te vave o te sē talia o visa Puipui Faka`lei mō latou kolā e ma`nako ki ei ko te mea ke mafai fua o ga`lue io me ke tai `nofo leva atu latou i Ausetalia.

Sa taumafai ke maua ne koe a te visa Puipui Faka`lei māfai e se manakogina ke puipui faka`lei koe i Ausetalia. E se talia fakavave ne matou a tino kolā e se fetau i `lei mo mea e manakogina mō te visa Puipui Faka`lei.

Kafai e mafaufau koe ki se visa Puipui Faka`lei (subclass 866), e fakamalosi atu matou ki a koe ke `sala atu ki se fesoasoani sē `togi i mea tau tulafono mai i se tino e fakafeagai mo tino fakaa`lofa mai nisi fenua telā e talia i te tulafono mo mea tau oloolo malaga.

- Auala vave ke maua te visa
- A te Puipui Faka`lei e aoga fua mō tino fakaa`lofa tonu kolā e manakogina ne latou
- Fesoasoani sē `togi i mea tau tulafono
- Ou tiute
- Tulafono i mea tau oloolo malaga
- `Sala ki manatu fesoasoani `tonu
- Fakaeteete i tino fesoasoani solitulafono
- Taimi ko se talia tou visa Puipui Faka`lei
- Taimi ko nofo atu koe i Ausetalia e aunoa mo se visa telā koi aoga
- Nisi visa kolā e fetau i `lei mo koe
- Fesoasoani māfai ko oti te malosi o se visa

- Fesoasoani ki te fakaʻfonuga o pepa mo tau visa

Auala vave ke maua te visa

Mai i ʻfuliga ʻfou ko fakaaoga ne te malo, a te ukega o visa fou mō visa Puipui Fakaʻlei (subclass 866), toeitiiti ko sili atu nei i te faka-8 taimi te vave māfai e fakatusa ki tausaga fakamuli nei.

Kafai e se manakogina ne koe a te puipuiga i Ausetalia, io me e se fetaui ʻlei koe mo mea e manakogina mō te visa Puipui Fakaʻlei, ka se talia fakavave tou visa.

Kāti e fetaui ʻlei atu a nisi visa ki ou fakanofonofoga. Ke maua a te visa telā e fetaui tonu mo koe, Onono ki nisi visa mō koe.

A te Puipui Fakaʻlei e aoga fua mō tino fakaaʻlofa tonu kolā e manakogina ne latou

A te visa puipui fakaʻlei e aoga fua mō tino (io me ko olotou kāiga) kolā ko fakamataku tonu te lotou tulaga māfai ko ʻfoki atu ki olotou fenua io me e mafai o fakasauagina ona ko olotou:

- telega
- lotu
- fenua
- sui o se potukau
- kilokiloga fakapolitiki.

Ke maua se visa Puipui Fakaʻlei, e ʻtau o nofo atu koe i Ausetalia mo se visa telā koi aoga kae talia fakaʻlei koe ne te ofisa o te immigration i te taimi e oko mai ei koe.

Sa taumafai ke maua se visa Puipui Fakaʻlei ko te mea fua ke mafai o tai nofo leva atu koe i Ausetalia ke mafai o maua sau galuega ʻtogi.

Se mea fakafoofogia me e uke atu a visa Puipui Fakaʻlei ko se talia i lō te aofaki o visa ne talia. E sili atu i te 85% o visa e se talia, me e se fetaui ʻlei latou mo mea e manakogina mō te visa. Toeitiiti ko kātoa te 100% o visa sē talia mō tino mai nisi fenua.

Kafai e se talia tou visa Puipui Fakaʻlei kae e seai foki sou visa telā koi aoga, e ʻtau o fano keatea koe mai Ausetalia. Kafai e seai sou visa telā koi aoga, e mafai o ʻloka koe io me fakaʻmoli keatea koe mai Ausetalia.

Ka tausī fakaʻlei ne te immigration a fakamatalaga e uiga ki tou visa Puipui Fakaʻlei telā ko se talia. E mafai foki o fakafaigata aka ei ki a koe mo tou kāiga ke asi atu ki Ausetalia i aso mai mua kae e mafai foki o pokotia ei ou nisi visa mō nisi fenua, kae fakaʻna loa ki te visa e manako koe ki ei.

Taimi e fakaʻfonu tau pepa mō se visa Puipui Fakaʻlei, ko ʻsala atu koe ki se puipuiga i Ausetalia mai i tou fenua tonu.

Kafai ko fakaʻfonu tau pepa mō se visa Puipui Fakaʻlei, ke fakamautinoa aka me e tonu e iloa se mea e tasi io me ko mea e lua konei:

- E se mafai o toe foki atu koe ki tou fenua e aunoa mo se tulaga fakamataku io me ko fakasauaga.
- A koe se kāiga o se tino telā ne fai penā.

Kafai e saoloto koe i te tulafono kae ʻlei foki ke nofo atu koe i te suā fenua (kae e se ko tou fenua tonu), ka se mafai o maua ne koe se visa Puipui Fakaʻlei.

E ʻtau fua o fakaʻfonu tau pepa mō se visa Puipui Fakaʻlei māfai e manakogina ke puipui fakaʻlei koe i Ausetalia.

Faitau ki nisi fakamatalaga e uiga ki Tiute e panaki mo te puipuiga i Ausetalia.

Fesoasoani sē `togi i mea tau tulafono

Kafai ko mafaufau koe ki se visa Puipui Faka`lei (subclass 866), e fakamalosi atu matou ki a koe ke `sala atu ki se **fesoasoani sē `togi i mea tau tulafono** mai i se tino tonu telā e fakafeagai mo tino fakaa`lofa mai nisi fenua kae e talia i te tulafono mo mea tau oloolo malaga i te sitete io me ko te koga e nofo koe i ei a koi tuai o kamata te faka`fonuga o tau pepa mō te visa.

Fakasologa o tino fesoasoani i te tulafono i tau sitete io me ko te koga e nofo koe i ei

Sitete io me ko Koga	Igoa	Fakatuatusi i te neti
Australian Capital Territory	Legal Aid ACT	www.legalaidact.org.au
New South Wales	Refugee Advice and Casework Service	www.racs.org.au
Northern Territory	Refugee Legal	www.refugeelegal.org.au
Queensland	Refugee and Immigration Legal Service	www.rails.org.au
South Australia	Legal Services Commission of SA	www.lsc.sa.gov.au
Tasmania	Tasmanian Refugee Legal Service	www.trls.org.au
Victoria	Refugee Legal	www.refugeelegal.org.au
Western Australia	Circle Green Community Legal	www.circlegreen.org.au

E mafai o fesoasoani atu a tino mai konei ki a koe:

- fesili atu me e fetai `lei koe ki se visa Puipui Faka`lei io me se isi visa
- ke iloa `lei ne koe a mea e aofia i te mauaga o se visa
- ke iloa `lei a ikuga o se visa Puipui Faka`lei māfai ko se talia
- fakaoti kae lafo atu tau pepa mō se visa Puipui Faka`lei māfai e manakogina.

E mafai foki o maua ne koe se fesoasoani sē `togi i mea tau tulafono mai i koga fesoasoani `tonu io me ko ofisa i mea tau tulafono i tau sitete io me ko te koga e nofo koe i ei.

Ou tiute

Kafai ko lafo atu tau pepa faka`fonu mō se visa Puipui Faka`lei, e panaki e iloa mo koe a te tiute ke fakamautinoa aka me e `tonu kae `sao a fakamatalaga katoa e tuku atu ne koe, faitalia foki loa me ne fakaoti kae lafo atu ne se isi tino.

E se `tau e iloa o talia ne koe se isi tino ke faka`fonu ne ia tau pepa mō se visa Puipui Faka`lei e aunoa mo te iloa ne koe a mea e manako koe ki ei mo fakamatalaga e tuku atu i te pepa faka`fonu tenā.

A tino i fa`kai o Ausetalia e tāua `ki te lotou tusaga i te puipuiga o te fakasalalauatuga o fakamatalaga `se ki a latou kolā e ma`nako ki se visa Puipui Faka`lei. E aofia i ei a te fakasalalauatuga o ikuga fakama`taku o te lafo atu o fakamatalaga `se kae sē `tonu mo te aofia o se tino fesoasoani telā e seki talia i te tulafono.

E isi ne ikuga sē `lei kae `mafa `ki i te tukuatuga o fakamatalaga `se io me se `tonu io me ko fakamatalaga `loi i te pepa faka`fonu mō se visa Puipui Faka`lei, e aofia i ei te fakasala `mafa ki te togi tupe atu o se aofaki lasi, e mafai o `loka i te falepuipui ki se 10 tausaga, io me fakasala ki mea e lua konā. E mafai foki o

fakafaigata aka ei ki a koe mo tou kāiga ke toe `foki atu ki Ausetalia, ke oko ki te mauaga o se visa mō tino asiāsi, visa mō tama`liki a`koga, io me se visa galue sē tumau e pelā mo te [PALM scheme visa](#).

Kafai e fakamolemole atu se tino e manako ki se visa Puipui Faka`lei ke tusi atu se tusi fakamaoni mō latou, e `tau fua o fai ne koe te mea tenei māfai e talitonu koe me ka fe`paki tonu eilola latou mo se tulaga fakamataku `ki io me ko fakasauaga māfai ko toe `foki atu ki olotou fenua `tonu. Fakamalosi atu eilola ki a latou ke onono ki [fesoasoani sē `togi i mea tau tulafono](#) mai i se tino e fakafeagai tonu mo tino fakaa`lofa mai nisi fenua telā e talia i te tulafono mo mea tau oloolo malaga i te sitete io me ko te koga e nofo koe i ei.

Tulafono i mea tau oloolo malaga

Kafai ko faka`fonu tau pepa mō se visa Puipui Faka`lei, e mafai o se talia tou visa māfai ko faimalaga atu koe ki te fenua telā e mafai o maua te puipuiga i Ausetalia mai i ei, faitalia foki loa me e `nofo atu tou kāiga i konā.

Kafai ko talia tou visa Puipui Faka`lei, ka se mafai o toe faimalaga atu koe ki te fenua ne manakogina ne koe te puipuiga mai i ei e aunoa mo te taliaga mai te Malo o Ausetalia, faitalia foki loa me e `nofo atu tou kāiga i konā.

`Sala ki manatu fesoasoani `tonu

E `tau fua o `sala atu ki manatu fesoasoani `tonu mō se visa Puipui Faka`lei mai i ofisa mō tino oloolo malaga kolā ne laisene faka`lei mo lōia i Ausetalia. E mafai foki o `sala atu koe ki se fesoasoani i mea tau oloolo malaga mai i se tino amio `lei.

A te tino amio `lei e aofia i ei se tino telā e seai se tino galue i ofisa mō tino oloolo malaga kolā ne laisene faka`lei mo se lōia kae:

- tou sponsor
- tou kāiga pili
- se tino o te palamene
- se sui maluga o se fenua
- se sui telā e maluga tena tulaga
- se sui i se fakapotopotoga lauiloa i fenua e uke.

A te tino telā e se galue i se ofisa ne laisene faka`lei mō tino oloolo malaga io me se lōia i Ausetalia e se `tau o `togi tena fesoasoani. E se talia i te tulafono mō se tino penā ke `togi tupe atu tena fesoasoani.

E mafai o fakamautinoa aka ne koe me ne laisene faka`lei se tino galue i se ofisa mō tino oloolo malaga mai te fanatu ki te neti ke iloa a ofisa ne laisene faka`lei i te [Office of the Migration Agents Registration Authority \(OMARA\) website](#), io me ke maua a nisi fakamatalaga ki te `sala atu ki se fesoasoani mai i se [Lōia i Ausetalia](#).

Faitau ki nisi fakamatalaga e uiga ki [tino e mafai o fesoasoani atu ki te faka`fonuga o tau pepa](#) i Ausetalia.

Onono ki [mea e `tau o fai ke filifili aka se ofisa mō tino oloolo malaga telā ne laisene faka`lei](#).

E se `tau eilola o talia ne koe se isi tino ke faka`fonu ne ia tau pepa mō se visa Puipui Faka`lei e aunoa mo te iloa ne koe a mea e manako koe ki ei mo fakamatalaga e tuku atu i te pepa faka`fonu tenā. E `tau eilola o fakamautinoa aka ne koe me e `tonu a mea katoa ne taipa i tau pepa faka`fonu, faitalia foki loa me ne fakaoti kae lafo atu ne se isi tino.

Fakaeteete i tino fesoasoani solitulafono

E se talia i te tulafono ke `togi tena fesoasoani i mea tau oloolo malaga vagana se ofisa mō tino oloolo malaga telā ne laisene faka`lei io me se lōia i Ausetalia. E mafai eilola o fakamataku a te mauaga ne koe o

manatu fesoasoani sē `tonu māfai e fakaaoga ne koe se tino telā e se galue i se ofisa fesoasoani mō tino oloolo malaga telā ne laisene faka`lei io me se lōia i Ausetalia, kae mafai foki o fakamataku ki te galo atu o tou avanoaga ke nofo i Ausetalia.

A tino fesoasoani solitulafono e masani o fakasalalau atu olotou fesoasoani i social media mo potukau sau`tala i te neti. E fai atu latou i nisi taimi ki tino kolā e ma`nako ki visa ke tuku atu a fakamatalaga `loi io me se `tonu māfai ko faka`fonu a pepa mō se visa Puipui Faka`lei, kae e `togi `mafa `ki a nisi tino penei mō manatu fesoasoani sē `tonu kolā e tuku atu ne latou.

Kafai e taumafai se tino o tuku atu se fesoasoani i mea tau oloolo malaga i auala sē `tonu, e mafai o fakailoa mai ne koe ki a matou mai te fakaaogaga o te link tenei [Border Watch Online Report](#). E se manakogina ke fakaasi mai tou igoa.

Taimi ko se talia tou visa Puipui Faka`lei

Kafai ko se talia tou visa Puipui Faka`lei:

- ka manakogina ke fano keatea koe mai Ausetalia māfai ko seai sou visa telā koi aoga
- e mafai o momea aka te faigata ki a koe mo tou kāiga ke toe asi atu ki Ausetalia i aso mai mua
- ka tausi faka`lei ne te immigration a fakamatalaga e uiga ki tou visa Puipui Faka`lei telā ko se talia
- e mafai foki o pokotia ei ou nisi visa mō nisi fenua, kae faka`na loa ki te visa e manako koe ki ei.

Taimi ko nofo atu koe i Ausetalia e aunoa mo se visa telā koi aoga

A te Malo o Ausetalia ka `loka io me faka`moli a latou kolā ko se talia olotou visa Puipui Faka`lei kae ko se saoloto ke `nofo i Ausetalia. E fesoasoani atu a faifaiga konei ke fakatumau te fakamaoni ki tulafono i mea tau oloolo malaga o Ausetalia.

Kafai ne `loka kae faka`moli koe keatea mai Ausetalia mai tua o te taimi ko se talia ei tou visa Puipui Faka`lei, e mafai o toe `togi atu ne koe a te aofaki o tou faka`moli. E mafai e iloa o lau i afe tālā.

Nisi visa kolā e fetaui `lei mo koe

Kāti e fetaui `lei atu a nisi visa ki ou fakanofonofoga.

Ke maua a te visa telā e fetaui tonu mo koe, [Onoono ki nisi visa konei](#).

Fesoasoani māfai ko oti te malosī o se visa

Ke iloa aka me ko pili o oti te malosī o tou visa io me ko oti tena malosī, faka`fonu a fakamatalaga e uiga ki a koe i te [Visa Entitlement Verification Online \(VEVO\)](#).

A te motou Status Resolution Service (SRS) e mafai o fesoasoani atu māfai e manako koe ki se fesoasoani ke faka`tonu aka ou fakalavelave i mea tau oloolo malaga. A te ofisa galue i te SRS e mafai:

- o onoono ki fakalavelave io me ko mea faiga`ta ki te faka`leiga o te tulaga tenā
- o tuku mai ne ia a fakamatalaga manino e uiga ki fesoasoani i mea tau oloolo malaga io me ko auala kese`kese ke fano keatea mai te fenua
- o tuku atu ne ia a visa kolā e fetaui mo tino kolā ko `nofo nei i te fenua kae ko se talia i te tulafono.

Ke maua a nisi fakamatalaga i te [Status Resolution Service](#).

Fesoasoani ki te faka`fonuga o pepa mo tau visa

E fakamalosi atu matou ki a koe ke `sala atu ki se fesoasoani sē `togi i mea tau tulafono mai i se tino tonu e fakafeagai mo tino fakaa`lofa mai nisi fenua telā e talia i te tulafono mo mea tau oloolo malaga.